



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XXV. Die Maii.

urn:nbn:de:hbz:466:1-9625

P. ANTONIVS
DE MENDOZA.

Hispanus
Romæ. 4.
Maij 1596.
Soc. 12.

Humilitas.

Comitis de Orgaz filius. Cum se in Cytrocinio in culina inter ollas quas perpurgabat videret, se allocutus hortabatur, ne tempus ac se perderet, ageret seriò, vt dimissis ijs quæ mundus æstimat, Margaritam cæli in humilitate hac inueniret. Variâ, etiam Prouinciarum, rectione laudatè perfectus, Romæ anno 1593. quintæ Cong. Generali interfuit, pro Hispania electus apud Claudium Generalem Assistens. Humilitas illi semper in corde, sæpè in opere. Rector cum esset, nunc ianitoris officium obiuit, nunc in culina operam coco addixit, nec inde abiit illius iniussu. Nouitios cum regeret, ipse illos in ijs quæ manu fiunt operibus instruebat. Mirâ humanorum respectuum contempione fuit præstans, profundâ suorum natalium obliuione illustis, prudentiâ in iudicijs aliorum exquirendis & expendendis perspicaci acutus ac solidus: vnde illi fortis animus ad ardua

peragenda, quippe probè secum & cum suis expensa prius atque prouisa. Valerudine licèt pertenui esset, præter crebra flagra, tamen cilicio semper utebatur toto corpore coopertus. Vestes attritæ, calcei à veteramentario resecti; & quicquid à suis filijs optat sancta paupertas, quicquid Angelica puritas, totum in illo eluxit, Obedientiam talem Deo charam esse aiebat experimento, quæ domi ne honores quidem recusaret. In Indicæ nauigationis tempestate securus sui, & splendore coruscans, Litanias recitans est repertus. Nulli solebat respondere, nisi modicâ cum Deo consultatione præmissâ. Aiunt de suâ morte fuisse diuinitus redditum certiozem. Medico dicenti vt fenestras aperiri iuberet, ac cælum iam vicinum respiceret, commonstrato Crucifixo: *En cælum, inquit, meum, & mea tota lætitia.* Rogauit Patrum quendam, vt Deo gratias nomine suo quàm maximas posset redderet, pro tot beneficijs quæ in vita omni acceperat. Vno postquâ sepultus est anno, & semestri elapso, corpus eius candidum, facile, ac integrum vnâ cum vestibus est repertum.

Mortif.

Oratio.

Mort.

Crucif.

XXV. DIE MAII.

P. IOANNES
MORTAIGNE.

Belga Tornaci. 25. e
Maij 1583.

Fides.

Tornaci Rector cum præesser, hæreticis armis vbique circumstrepentibus in pago quodam per octo dies latuit, inde in horreum stramine coopertum translatus, ibi clam Catholicis aduentantibus Sacramenta ministravit. Victu tenui, ac propè inædiâ sese sustentans, & tamen in antro illo ita hilaris, vt se numquam

lætiozem fuisse prædicaret, magno eorum apud quos delitescere, & post 40. quoque annos celebrato exemplo. Cum per dolores podagræ totis aliquando noctibus nihil somni posset admittere, laudes Deo assidue dicebat; & sæpè etiam canebat. Fiduciâ in Deum fuit insigni, nec sine operæ pretio luculento, cum aliâs, tum verò eo tempore, quando ipso Tornaci Rectore, tertio Bacchanalium die, seu tertiâ ante diem cinerum feriâ vix aliud domi erat, quàm siccus panis. Rogatus num vellet consuetum ære

Fides.

Patientia.

Fiduciam
Deum.

N n 2 cam.

campano signum edi, quo Patres ad triclinium conuocarentur, edi iussit, & vix illi conuenerant cum tintinnabulo portæ pulsato, adfuit annona luculenta à pio ciue, seu à bono potius Deo tam opportunè suppeditata.

P. G A S P A R
G O E L L O.

Lusitanus
Canuzæ.
25. Maij 1590
Ætat. 19.
Soc. 34.

IN tractu Omurano vnà cum suo socio baptismo lustravit plus quàm 35. millia Iaponum, & 60. cœnobita Bonziorum. In Sarcibus cœuertit mortales 1460. fuitque primus Iaponiæ Vice-Prouincialis, à Rege honoratus, & plurium millium animarum ad fidem accessione semper increfcens per industrias laboris, ac pietatis plenas. Mortuo exequiæ celebriores factæ quàm vlli celebratas vllus meminerit.

P. I O A N N E S
D E L G A D O.

Lusitanus in
Guinea. 25.
Maij 1610.

Zelus.

Quam perspicax in Theologia Magister fuerat, tam promptus postea, & impiger in Guinæ Promontorio fuit operarius. Quantum animarum zelo arserit, testes sunt ille lachrymæ de quibus annuè sic loquuntur: Dum Bichongoris Regem familiaribus colloquijs ad nostram Religionem veller traducere, neque rudem obstinationem euinceret, lachrymæ illi sensim decidebant. Rogarus à Rege quid ita fletet. *Tuam*, inquit, *duritiam, & obstinationem doleo, qua te sempiternis flammis cruciandum à cali possessione detecit.* Immò, subiecit Rex, quia vir sanctus es, ita ploras, & forsi-

tan me citò moriturum animo præsumis. Ita breui Insulanorum occupauit mentes, vt de illius vita, ac moribus nihil nisi cæleste suspicarentur. Sed mors magis virtutem eius declarasse videtur, quàm vita. Varijs enim iactati morbis, ac febribus cum spe recuperandæ salutis ad eius sepulchrum confluunt; narrantque periculosum atque intestinum malum eius beneficio sublatum, quo Lusitanus quidam laborasset. Vulgatam eius sanctitatis opinionem durasse postea illud etiam indicio est, quòd anno 1611. eius Insulæ quispiam, quem lentum ciborum fastidium, inediâ, tabeque ad extremum propè adduxerat, vbi Paris Ioannis sepulchrum adiit, ibi fastidium omne posuerit fame statim, sanitate, viribusque non sine admiratione receptis.

P. F R A N C I S C V S
F R A N C E S C H I N U S.

Vita huius ab anno 1562. quo Societati adscriptus est, eadem continuatione virtutis viguit in communi disciplinæ Religiosæ cursu, nihil singulare habere visus quidem est, singulari tamen laude in ipsa illa vitæ ad omnem legum accuracionem castigatæ constantiâ eluxit. Per annos 28. Ministri officio functus est exemplo hominis religiosi veri, atque sinceri. Prisci moris retinens, non tempus verrendi, non alia consueta ex vsu veteri, & sancto neglexit, *Deum adesse* vbique memor, id ne illi excideret D. A. in cubiculo præ oculis affixerat. Quocumque iret, seu staret, oculos, & corpus totum ad præsentis Dei reuerentiam componebat.

Italus Socii
25. Maij 1617
Ætat. 72.

Regula.

Præsim. Deb